

竹谿縣志卷之十

明善行

熊夢說生平事親以孝聞嘉靖十九年廬墓悲泣王瓜冬生人

以爲孝感所致

舊志

敖士俊字拔茹弱冠爲邑名諸生一試有司不售輒棄去遂杜門課子耕讀足不入城市時偕村叟問柳尋花徜徉自得年八十三卒於家子琳邑明經

國朝

甘繼芳字體元性忠毅慷慨有謀略明季流賊猖獗竹谿爲秦

竹谿縣志

卷十善行

楚蜀之交屠戮殆盡餘匿山中晝夜驚駭公糾聚遺黎團練鄉兵賊至合擊賊去則散歸田間如是者十餘年迄我

朝定鼎興鎮總兵段某知芳義勇堪任重以便宜給劄爲守備防衛中峯左溪等處繼芳受任竭力守禦谿人賴焉康熙十三年吳逆餘孽楊來嘉等叛據房陵竹山四出攻掠獨谿邑以芳在不能犯賊憤甚八月連茅廬山震山謝洪二賊率眾數萬來知縣曹席珍以邑無城不可守遂入中峯寨與繼芳協力爲前後二門以拒賊賊論其糧少坐困之六十日有縣門子曹二者以事受撻賊卒馬蹶子密誘之比賊至攻前門曹

二導馬蹶子自後門入寨遂破席珍被執繼芳奮臂呼曰谿人之不降我也無與邑父母賊曰今可降乎曰不可賊曰不降則死乃厲聲大罵曰甘繼芳好男子肯從若輩作賊哉若輩釜魚游魂立見齏粉惜吾不能手磔汝耳賊怒遂遇害時十月初一日也年六十四賊方治酒賀馬蹶子功忽據席拊膺呼曰甘繼芳獻擄掠至矣吐血數升而死賊眾大駭繼芳歿後三日大兵至賊退保房竹明年悉就擒事平後世蓋罕有知繼芳者越二十餘年丁卯學使王與祚按試鄖郡問於谿人曰諸生有知甘繼芳者乎點名至其長子霖閱冊載三

代乃領而進之曰爾卽甘繼芳子耶爾父以身拒賊苟忠義泯滅何以勸後其卽具狀來蓋曹自賊中逸出後偕計吏入都嘗舉以告人而學使聞之也於是知府衛臺瑞旌之曰志節抗邁知縣艾朝宗旌之曰慷慨知方儒學何芬黃洵旌之曰義堪垂裕已而事竟寢子六長霖府庠生次露次雨平賊時軍前劄授千總次失所在次濡陷賊營中久乃得歸次濡雍正元年恩貢李標曰余至竹谿聞父老言甘氏殉難事忠孝祠未之祀也邑又無志已而得其家乘讀之喟然嘆曰竹谿之有遺類也誰之力歟可不謂有功德于民哉以匹夫保

聚一邑之殘黎壯矣而卒抱其志節以死非素明大義辟患而有所不爲者能之乎當其授命時子孫逃竄且不得其詳其無聞於世也無怪縣令親見之學使者知之矣而猶泯泯何耶嗚呼當流賊蹂躪時如甘氏而卒以無聞者豈少也哉余職叨外史爰述所聞以俟採風非敢自附于顯微闡幽亦聊以慰忠魂勵臣節而已

邊養正第養性本秦民流寓於竹谿負性慷慨兼有膂力順治七年流賊李來亨盤踞興山縣之西山郝搖旗等耕食房縣時出二竹擄掠邑令趙完璧以遼陽歲貢來知縣事居敖家

竹谿縣志

卷十善行

三

寨賊攻圍數日居民眾寡不敵寨遂破養正負趙登絕巘以避養性持長矛以禦其後賊畏其勇不敢逼趙由是得免於難

張懋勳字漢卿其先陝之商州人也祖自成於康熙十五年以恢復竹谿功由本營千總陞中軍守備署遊擊因家焉勳幼好學補邑弟子員治舉業有聲鄖郡六邑咸聘置幕因是獲交諸名雋學益進然屢躓場屋晚歲成明經嘗慨然曰邑必有志而谿以頻經荒亂獨無後有作者恐軼事遺聞日加湮沒更難採取於是編輯舊聞窮搜荒缺成竹谿志稿二十二

卷藏諸其家卽今志藍本也年八十五卒子楠齡孫五皆醇樸克守其家緒云
以上舊志

林芳成竹谿營兵也父嬰疾醫治罔效芳成晝夜飲泣聞親疾危篤惟人子割股可療乃持刀潛禱於天剖片肉作羹以進父食之疾頓瘳至今子孫鼎盛孫友義尤篤於孝友云

汪英國學生慷慨好施乾隆四十五年大旱黎民薦饑英發穀三百餘石存活無算邑令翁振綱匾其門曰共襄懷保

周毓英字卜臣邑庠生性孝友讀書補弟子員兄弟三長璜次琇欲析居英泣勸不從父歿毓英哀毀盡禮後兄弟相繼逝

竹谿縣志

卷十善行

四

仍以田地分讓子早天撫猶子易爲嗣後授鍾祥訓導兩孫均列膠庠食餼乾隆壬申早捐金賑饑修誥軸山之藥王廟費千金邑侯宋煥以爲善最樂四字榜其門書院黌宮創脩皆出其力生平抑然自下無傲慢之容年八十六卒

徐明衡監生慷慨有知略嘉慶元年教匪滋事首先團練義勇護城籌議赴陝請援是年冬陝撫秦承恩廉其能調赴軍營統領鄉勇勦辦各路竄匪奏奉

諭旨嘉獎旋以積勞致疾卒陝撫秦差官致奠輓聯云然諾重平生爲德於鄉試看脩戟同仇井里至今資保障馳驅來陝右以

死勤事且喜克家有子顯揚他日振箕裘

蕭宗柳國學生沉毅有氣節方窮約時夜半於十字街拾遺金百兩卽坐俟之俄一人倉皇至問之乃失金人也其人泣曰子有冤獄非百金不釋歸家典當借貸以足其數昨暮以忙迫失去獄不息子命休矣宗柳察其情確因還之後家富饒子孫登仕版者不絕

曾敬廷號華峯樂善好施脩谿邑通屬要道百餘里建橋梁設義渡賑饑貧善事不可枚舉行誼至老猶篤家雖無餘不計也子孫食餼者數人年八十無疾而逝邑令翁振綱匾曰德

竹谿縣志

卷十善行

五

紹商豐

徐正中成楚六世孫也幼孤事母至孝撫兩弟教讀懇切皆入泮母歿喪葬盡禮鄉里皆敬重之

顏文良孝民也母王氏患病久不愈良遍訪醫藥偶遇一老者謂曰食肉當愈言訖不見良乃於夜半自割臂肉一片烹飪以進母食之頓愈

郭成名誠樸忠直有布商遺金三十兩銘拾得尋而還諸其人
家漸裕凶年周貧乏捨方藥施茶湯葬旅櫬樂善不倦嘉慶元年聚勇守卡學憲王旌以忠義可嘉匾額

戴光泮監生品行端方急公仗義嘉慶元年賊驚築堡修洞活人甚多年八十六無疾而終

高宏脩性善好脩路架橋皆身任之其子忠朝忠瑚繼其志刊刷勸世要言救急良方閭里咸稱其善居喪廬墓三年

高朝忠篤於孝友父死廬墓三年哀毀骨立

呂先義左溪寨民也性孝傭工養母一日入林採樵忽有人呼曰何自苦乃爾答曰有老母在誘之縊泣曰死不難老母無人侍養恍惚不見後母以病卒墓畢忽無疾而死人以為孝之所感也

竹谿縣志

卷十善行

六

萬添杞年甫七歲嘉慶五年賊大至隨母避亂遇賊傷其母倒道旁賊欲掠杞杞哀泣曰我去誰葬母賊義而舍之母忽甦呼水杞於澗中以口含水哺母後昇歸傷愈以壽終

莫文開素有孝行母節婦洪氏素畏雷歿葬後每聞雷聲開必趨墓所跪而泣護之或在途聞雷趨墓不及望空泣跪祝禱一生不易親友咸異重之

趙曰貴節婦李氏次子也事母盡養志之忱母歿哀毀骨立廬墓五年

潘文喜性孝而家貧早失怙母病禱諸神剖腹割肝少許煎湯

奉母尋卽病痊

杜聲揚事孀母劉氏至孝母命積善濟世於是捨棺九載脩西關外要道悉成坦途善行不怠遵母命也

洪永機性至孝親歿哀毀泣血旣葬朝夕哭於墓年八十餘猶親荷鋤畚修砌墳塋子孫請代不允鄉里賢之值教匪之亂倡脩寨堡保全一方尤善行之卓卓者也

董伯量素有孝行母張氏患癱疾當教匪磨至伯量負母至數百里外血流兩足不敢告勞遂獲保全

楊隆槐性孝友兄弟四槐居三父興禧慷慨好施隆槐必曲體

竹谿縣志

卷十善行

七

以成父志兄弟怡怡若不可一日離也子孫貢成均者相繼不絕

謝元盛性友愛先與兄元坤析居後兄家落復與同爨兄無子爲之撫侄承嗣田產仍均分嘉慶四年捐糧給軍宜昌太守吳旌以匾曰望隆洛社年八十而終

顏文瓊性謹厚尤篤於友愛壽八十六而卒五世同堂

劉祖遴性友愛誠篤五世同堂嘉慶十九年施米賑饑貧邑侯詹旌以匾曰樂善可風

龔縉如性樸直篤友愛邑侯汪公旌以匾曰才堪經國壽九十

二歲無疾而終子孫多人膠庠者

顏邦龍邑庠生篤於友愛視族弟如同胞鄉里待以舉火者數十家歿之日泣者盈門子孫多列膠庠

鄭兆全性友愛待族弟如同胞撫侄猶子婚姻教讀皆任之今年躋八十親見五代子孫入邑庠者代不絕人

徐宏信篤於友愛一門多壽考子孫林立五世一堂

盧兆聖年八十三歲五世同堂

盧周監善士也五世一堂人稱其孝友所致云

顏邦鳳性友愛妻趙氏雙壽齊眉一堂五代

竹谿縣志

卷十善行

八

陳弼周篤友愛撫恤子侄俱成立婚配七世同堂子孫成立

王德五性剛直孝友傳家五世同堂

顏治莪年八十居家孝友親見五代

譚應鰲年七十一門和順親見五代

湯隆琮性忠厚篤友愛年至百歲而終

蕭際述敦友愛親見五代年九十餘猶力行善事不怠

王某左溪寨民家貧傭工養母母病晝夜守侍及母塋廬墓三年故老往往稱之惜忘其名乾隆四十年事也

敖希瑤性至孝母譚氏患病日侍湯藥夜夜禱於神祠家人睡

熟持刀剖腹割肝一片強起裹腹煎湯奉母病尋瘥而希瑤以創重死矣嘉慶二十四年事也

李公昌謹厚誠樸重然諾輕施與守正不阿享大年而子孫昌熾

王德佐仗義疎財捐修普濟橋親友爲之勒碑於橋左

何思聖誠篤溫厚好善樂施嘗有祝氏子貧苦將鬻妻分離甚慟公詢其故出貲贖之並贍其身家議修東門橋梁捐金購料甫就而公卒後教匪煽亂脩築城垣礮臺皆脩橋所備石料也子經世明經七品軍功次經弼廩生三經燦明經以孝

竹谿縣志

卷十善行

九

行聞

蕭煒號耀川性持正不阿尤篤於孝友嘉慶元年教匪倡亂屢著軍功事平議叙加五品銜以繼母栢氏年老不肯就官後補山西布政司經歷清慎勤謹爲上游所倚重在任十年卒于官吏民皆哀慕之經邑人請崇祀鄉賢

李昌言乳名牛兒孝子也父名吉一日自塾歸遇屠牛者牽一牛見吉屈雙蹄哀鳴淚出吉惻然以青蚨六貫贖回囑其妻陳氏善視之後吉卒陳氏有遺腹臨產前一夕牛死夢牛跪榻前作人言曰我將爲母後報母有日矣陳驚寤昌言適臨

禱焉因名牛兒事母孝道光二十年陳氏病篤牛聞古有割股煎藥者亦陰效之母尋愈咸豐元年陳氏卒牛兒哭之至絕飲食人以割股爲愚孝而不知其愚誠不可及也

劉恩明年三十采煤爲生同治元年冬髮逆竄谿明負八旬母避煤洞中母以洞煖不肯他徙惟促明去明泣曰母在何去末幾賊封洞口煙薰二日夜洞內死者百八十餘人明母子與焉次年春文生何深濟捐貲掩骸尸毀莫可辨惟明面目如生

王成父芝蘭嘉慶初蘭以廩生從勒侯征歿葬長安成家貧囊

竹谿縣志

卷十善行

十

裏親身負歸安厝子肄三耀奎孫毓元皆名列膠庠謂孝行之報

劉貽祥孝由性生父早逝萱堂侍養年五十猶孺子慕焉母卒哀毀骨立水漿不入於口者數日

貢生沈霽嵐之母許氏病篤嵐焚香祝天割股療之病頓愈鄉人以孝稱

鄉耆李逢吉事繼母以孝聞歲荒均糧里人賴以存活

何慶魁年十二隨父貿易父病逆旅值暴雨魁扶父徙居高阜人謂非病體所宜不聽是夜淹斃同居數十人其父無恙十

六歲替父出征年八旬孝事老母不衰皆人所難能者

儒生徐德潤年未冠而孤兄三相繼逝母劉氏失明潤竭力奉養以孝聞教姪如子姪少遷子廷楨均入邑庠

劉賢斗幼失怙家貧事母不遺餘力兄歿於蜀跋涉千里搬柩歸後稍置產以其半分給猶子髮匪之亂率勇救和慶方石二寨可謂能識大體

朱本連少孤依伯父宗文成立宗文售產償債連日伯老兄懦無恒產何以聊生願均分己產而獨任欠債且處事明決凡鄉里爭端輒一二言釋之及卒送葬者百餘人哭聲不絕

竹谿縣志

卷十善行

十一

邑文生張守先之父美連勤儉起家見堂弟美景窘甚所置田畝慨然分給一半且出賣約爲據以免後日爭端

邑文生姚宗照五世同居正直端方及老不變鄉里慶壽日百歲端人

邑歲貢生鄧之瓊嘉慶戊寅改建五峯書院瓊與有勞舊誌未註其名並遺蕭宗模之名查鄖陽府誌內載儒學李標記有襄事者貢生王家詔生員周毓英鄧之瓊蕭宗模而鳩工庇材則蕭君之勞爲多例得備書等語

邑歲貢生鄧之瓊屢獲鄉薦八舉不第教授生徒多所成就門

人頌以聯云品誼式前聞爭仰風裁方正叔文章扶後起共
言禮樂在河汾並額云漢南山斗茲查邑舊志僅載前額遺
其聯故補入

鄧秉鈔家貧廢學充縣戶書性孝友能於困苦中闡揚先世潛
德修理遠近墳墓和兄弟睦族隣其在公門著有硯銘云勺
水似海卷石如山升沉由己慎厥筆尖卽此見其居心行事
大概年六十六卒邑人李榮竹有讚載家乘

郭錦玉素奮勇咸豐年間在大營勦賊有功 賞戴五品藍翎
以千總補用同治元年七月川匪至玉率勇至黃土嶺堵勦

竹谿縣志

卷十善行

十二

二年春賊欲回竄玉又帶勇同營兵扎關垵防堵邑賴以安
歐陽久安百有三歲五世同堂邑侯贈以昇平人瑞匾額 奉
旨建百歲坊

監生歐陽如鰲卽久安之子年八十事親孝與人忠排紛解難
爲一鄉不可少之人

監生彭修策慷慨好義外祖父母貧無所依策迎養數十年歿
後葬於祖塋堂侄齊中年二十傭工於外見人考試歎羨不
已策卽供給讀書並安其家使無內顧憂得入邑庠

生員蕭漢登佃儻有大志嘉慶初隨總督偉什布征教匪叅辦

軍務因親老不求仕進秉性方嚴言笑不苟鄉里以直道稱之

虞生湯明琪敦倫飭紀祇父恭兄率性而行言笑不苟庠序中咸奉爲圭臬焉

生員李光臨孝事繼母教弟成名母故喪盡禮鄉里有訟者多方排解邑侯金贈以孝友可風匾額

貢生楊兆麟性慷慨同治元年冬髮逆踞谿麟募勇防勦捐金三百有奇鄉人賴以生全

陳賓東鄉人偕妻朱氏事親極孝其母得噎疾久不愈賓焚香

竹谿縣志

卷十善行

十三

告天割左股療之疾遂痊先之嗣越年生子人以爲孝心所感

盧儀承襲恩騎尉世職曾任山東吉州營都閫猶子際運成名實賴其作育之力運卒於廣西任所時儀年已老猶不遠數千里搬遺櫬歸其篤於天倫如此

從九甘敬佐疎財仗義族戚待以舉火者數十家

貢生蕭濟川敦品立學以舌耕爲業有升斗之餘卽以分給族人人咸義之

武生翁大椿素好善丙辰歲旱倡首均糧甲子春荒勸闔族減

價平糶同治元年練勇堵賊邑侯周保舉六品軍功其殆不趨利不慢公者歟

灰大有邑監生咸豐六年冬賊匪至捐貲招勇禦敵邑侯成匾贈忠義兩全

東鄉監生涂鈺有胆識髮逆圍黃龍寨鈺率寨勇抵禦無經費鈺慨捐貲數百串寨得保全吁富者多吝鈺家不中貲而仗義若此可謂難矣

劉有貴傭工吳姓同治元年川匪窺城追其主急貴拚命力救遇害

竹谿縣志

卷十善行

十四

武生甘文遠好義樂施道光十三年歲凶均糧濟急里人德之巡檢甘承政好善樂施咸豐六年春荒均糧數百石以濟窮困脩寨施藥以保全鄉人周邑侯獎以急公好義匾額

從九饒學健道光十三年大飢鄰里待斃健挪貲賑濟措置安全活者甚眾

王士怡邑監生性好善施棺施藥四年無稍弛存歿均受其惠陳保君避髮逆亂至天寶寨寨破墜巖盡節

監生鄭可興爲仁義寨長寨非陡峻竟賴人力保全老君寨方家寨被圍卽飭其子遐清率勇救援圍始得解

鄉勇楊繼亮精鳥銃每與賊戰必爲前鋒冬月二十二日戰死
葫蘆坡下賊退尋屍未獲次年三月有樵者見羣鴉集鳴近
視則楊某屍也數月之久毫無損傷殆忠勇之報歟

郭金甲性慷慨有智略任鄖西把總歷署城守營守備同治元
年秋川匪竄谿奉諭募勇禦敵邑宰周世榮以爲干城正在
指麾機宜賊逼城下遂奪門走賊追至九里崗不及乃燬其
室廬因探知爲團首也三年防堵蜀河有功保舉五品藍翎
鍾萬周由武弁帶勇勦教匪至洞汝河陣亡 恩錫世襲雲騎
尉晉封武德騎尉

竹谿縣志

卷十善行

十五

鍾巨周勉封武德騎尉

鍾文才世襲雲騎尉歷署左右營千總後補授黃州協分防分
府出師廣浙頗著功績晉封宣武都尉

鍾先春世襲雲騎尉隨父文才出師浙江父病醫藥罔效春割
左股療之遂愈凱旋回籍又患沉疴春嘗冀驗疾咸豐二年
由世襲署理督右司廳帶兵堵賊力戰身亡 恩錫世襲雲
騎尉晉封宣武都尉

鍾鳴世襲雲騎尉急公好義髮逆踞境鳴曾督勇救寨後辦
團練堵勦著有團防合約

武生王加進有胆識賊圍馬鞍寨斷汲道進連擊大炮賊少却
忽寨內火起賊乘勢上関進驅男婦守陣派丁救火火滅賊
退一寨咸慶再生

甘敬員繼芳之嗣孫也咸豐元年從征粵匪疊次立功拔補宜
昌府水師營千總防駐荊州賊逼竟陵員戰死於瓦廟子人
謂有乃祖之遺風焉

梁選年七十六性直戇同治元年川匪竄谿選被擄餉以肉選
罵曰此何肉我恨不得食賊肉賊怒亂箭穿胸斃

王芝蘭邑廩生嘉慶初教匪猖獗蘭奉諭帶勇勦賊抵西安有

竹谿縣志

卷十善行

十六

功勒侯保舉教諭

郭啟賢性慷慨同治元年邑侯周諭帶勇赴關埡抵禦三年復
捐貲防堵邑侯鄭保舉五品軍功

貢生徐正泰同治元年冬髮逆踞谿生團練西南數寨鄉勇防
堵賊不敢近一方賴以安全

生員鍾伯元幼失怙家貧累債數百金弟孝德勤耕不足供食
指元以舌耕事母以孝聞積貲置產清宿逋與弟姪合爨友
愛情摯毫無德色

貢生王立言捐貲練勇同治元年冬髮逆竄兩河口言督勇力

戰殺賊數十人三年賊擾鄖西蜀河等處意在渡河窺谿言捐貲帶勇防堵維嚴賊不敢近

監生樂德懋奉周邑侯諭練勇扼要防堵同治元年冬賊窺邑東長崗嶺懋捐貲督勇禦賊賊勢潰由苦桃河窺谿南山一帶稍得安靜皆懋之力也

郭世理邑廩生慷慨多智歲壬戌髮逆大至羣推理主持獨山寨事佈置守禦有法山邑紅巖寨被圍渴死者枕藉危如累卵理卽率鄉勇夤夜往救破賊四十餘壘賊遠遁一寨保全歡聲如雷

竹谿縣志

卷十善行

十七

谿東陽坡寨髮逆圍之急張家山首士明五倫楊宗標帥文貴令楊盛桂楊瑞芳督勇往救大戰於馬鹿山脚賊忿甚月夜擊張家山倫等佯與之戰陰出勇抄賊後殺賊七十餘人兩寨均得保全

東鄉廩生楊勛監生傅金錢胆畧過人髮逆踞水坪斷閭家寨水道勛等帶勇千餘人援鑼鼓洞五寨力戰兩日夜奪開水道輪流防守得無恙

儒童程世祥髮逆踞谿祥帶勇至大林坡攻勦遇害蕭仕封號靖臣附貢生謙和成性人有紛爭力爲解釋不釋不

止也咸豐元年公舉孝廉方正辭不就其端品立行可知
王達章邑貢生明大義嘉慶元年教匪作亂房竹失守章捐資
團勇將谿南鄉持教者勦滅淨盡賊數萬眾竄谿無內應遂
屯紮納玉河章隨總鎮文誅勦無遺後從軍川陝以功授八
品銜

敖世燕恩貢敖瑛之子歲貢于書之父抱樸守真綽有先民遺
風道光十三年 恩榮中壽學憲吳獎以齒德尊鄉匾額
貢生周郁文爲邑西宿儒嘗註七家詩附以隨月山房詩爲八
詩付梓後板沒於兵燹其彙本尙存

竹谿縣志

卷十善行

十八

武生甘承歡有胆識局度嫻雅元年秋川匪驟至歡率勇同兵
堵勦三年春率勇防堵白河凱旋右營遊府曾旌以佈置有
方匾額邑宰鄭保舉六品軍功

邑庠廖維才有守有爲咸豐六年賊陷竹山本邑土匪乘勢搶
掠材縛送爲首者正法一邑獲安元年避亂天心寨凡調勇
禦賊救援鄰寨咸聽命於材享壽七十二歲至今里人追念
不置

敖希誠府增生 誥封奉直大夫學優品端訓子立榜楷成名著
有細心錄待梓

敖立楷歲貢生深明大義咸豐八年蝗楷稟請立局督捕無遺
同治元年亂楷辦團防堵一鄉保全

鄭衍模郡廩生孝友爲政谿邑向無賓興創立自模始

高慎先由武庠捐衛千總分發江蘇撫院青奏留本省效力咸
豐四年賊破省垣先在賓陽門督戰陣亡子吉雲承襲雲騎
尉

柯益善年十四同治元年川匪窺城裹以隨至平利縣罵不絕
口賊怒劓死

貢生劉光照元年冬月十三日髮逆破侯家寨照投縲殉難十

竹谿縣志

卷十善行

十九

餘日面貌如生

譚文瑄以武生入營同治元年秋因出征久遣歸歸浦日川匪
猝至被擄賊知其孰諳技藝留營戮免死瑄誓死不教行至
平利自縊亦丈夫之烈者

儒童賀興鰲避亂永安寨寨破被擄賊遇之厚至解衣推食置
若罔聞賊怒見殺

楊光祖邑武生嘉慶元年教匪陷竹山祖聚眾隨總鎮文勦賊
以功給把總銜二年隨陝撫秦破賊於五座雲授千總銜復
帶勇五百隨制軍宜赴四川達州重石子金鵝寺等處勦賊

直搗巢穴有功 賞藍翎賊平不仕惟課子弟耕讀以自娛
云

增生王世南邑南宿儒也正直慷慨施與不吝生平喜讀書屢
荐不售遂隱居自適有草堂詩集待梓

邑西葫蘆坡綿亘二十餘里無居人少林木道光初年邑紳李
昌平造茶亭於上歲久就圯地主且贖回基址子榮春等除
捐山地一分作煎茶經費外又約貢生徐步墀道士張本鴻
同捐貲置地重建茶亭行旅至今賴之

周煥南故孝廉周晟之弟素好善於水坪東嶺之原建亭施茶
行人少憇不苦渴焉

竹谿縣志

卷十善行

二十一

監生盧師顏自幼因貧廢書嘉慶初白蓮倡狂顏練勇堵禦關
垭道光十三年春龍山圯人自相食遂與弟師偉稟命椿幃
賑之不足則稱貸焉活人甚多復倡脩宗祠族人贈以宗功
永賴匾額事親竭已之力捐貲成人之美享壽七十三歲今
次子敦望曾孫才俊俱列邑庠

羅龍江性廉介客有熊姓者遺金其家江覺急遣介送還至則
熊之主人方責熊賠償甚急見金還咸感佩贈以德義可風

匾額

王立言邑貢生性慷慨凡兩邑軍需防堵無不首倡多金谿邑五峯書院每年捐穀一百二十石爲束脩膏火資又鄉選有新獲舊者每次捐穀二百石爲公車北上費又於竹山捐義渡二處以便行旅可謂勇於爲義矣

監生方正霖性慷慨見西關街頭大水漫淤行人阻滯遂獨修驛路又捐千餘金建石橋以利往來

張光明好善樂施東城河爲邑要津明設板橋可通車馬且隱其名以爲代陝客爲之

王大通大順兄弟好義建修小河口橋梁里人名爲通順橋橋

竹谿縣志

卷十善行

二十一

數圮數修不惜重貲且買置義地掩露骸學師劉旌曰積善之家縣憲魏旌曰好善有誠

監生李榮林素好善家不中貲谿東縣河舖爲二竹通衢又東五里許兩山夾河行人阻焉何有自根橋圮於水每誤公文事件林捐六白金修石橋越半載功始竣名曰壽橋

葉正崇邑南寒士居近柿河道光初年本地造渡船贖錢二串文崇爲之權子母辛勤二十年成一義渡吁士而寒者多士而廉者少如崇者可以風士矣

郭家洲楊泗廟前義渡係該地生員楊濟川造施並捐紫荊洞

山稞八石以作舟子經費上河義渡眾姓捐造

貢生沈隆占家殷實大桂河鹽井懸壁千仞占費千金鑿石成
路更於廣龍灘設義渡置稞以期久遠復捐貲修七里礪橋
同知銜王立達造兩河口石河義渡置養舟子租二十石俾得
永遠利濟

縣河舖渡嘉慶初年係武職楊席珍同本地士民捐貲創始道
光十三年李榮林楊瑞枝帥文讓帥義興楊儒捐貲續之李
榮林又捐石佛地一分此後舟子工食之資裕如矣

王禮信性英卓好義嘉慶元年教匪蠢動信首倡寨堡保全甚
多家不中貲捐千金置渡船橋梁行旅賴之訓子有方子仕
登省三俱爲邑名士

竹谿縣志

卷十善行

二五二

從九湯明禮造義渡於東門外廖家河兩處各捐田六斗爲舟
子工食資迄今廖家河渡尙存

周致廣幼失怙充營兵出師念老母告歸奉養母年九十七廣
已七旬母故喪葬盡禮

增生湯逢恩孝友性成十五歲入邑庠有神童之譽久躋棘闈
因以致疾年六十猶讀書不倦

盧兆雲性孝友事父母無間言諸兄爭產構訟雲泣勸卒息訟

端嘉慶初隨征金川有功子自耕孝事繼母孫周相補邑增生雲年八旬餘親見四代

盧敏望事親孝好善樂施如助資修觀音橋收露骸拾字紙醫道濟人不索謝儀皆人所難能者

黃顯銘性慷慨好義見谿邑惟柿河通舟楫河水陡漲咫尺若隔千里延擱公務阻滯行人道光年間與弟顯慶侄繼春各捐糧修傅峪潭口小漩水灣田家埧四處義渡往來咸利賴焉

監生顏其壽性仁厚好善樂施凡排難解紛不惜銀錢以濟之

竹谿縣志

卷十 善行

二十三

盧東山性極孝其母龔氏每見本地貧困者死無所歸於心有戚戚焉山體母意商之叔父崇望等將山地一分捐作義地所以慰母心也

沈士成邑人也咸豐初投効欽差大臣袁慶下屢著功績同治元年奏准以儘先叅將補用 賞戴花翎是年三月在安徽臨淮關勦賊死之欽差袁輓額云恩留淮北委員弁札飭沿途州縣護送回籍

任上萬質直好義植圃爲業一日拾得銀二百餘兩立候久之忽一人倉惶至口不能言旣而曰救命蓋失銀人也所言銀

數相符盡還之謝以金不受後享壽八十七歲無疾而終至
今孫曾林立家稱小康

武生黃占魁家稱小阜好善樂施於楊家坪數處獨力造橋修
渡揮手千金弗惜也時年八十猶樂善不倦古道可風真足
為一鄉之表率者

武童王斯貞同治元年冬避難和慶寨寨將破峒溪寨勇來援
貞率二子助勇苦戰被執罵賊殞命尸分數段

舒立成性至孝父病割股療之愈及父卒事母俞氏怡色柔聲
鄉人稱為孝兜

諶祖璉邑貢生歷任監利光化訓導自擊城東舊書院數圯於
水因捐西關房屋基地以作書院其弟祖璈亦邑貢生賦性
淳良孝友克盡於書院之外更慮及耆棚獨任建修及一切
應用什物不吝多金創置完備親身辦理寒暑並忘故邑人
贈有繼美白鹿與樂善不倦匾額亦善行之可紀實者
隆再麟性仁厚施與不吝周貧濟急不責償長子象山為邑庠
生尤能承父志施衣設渡排難解紛善俱可徵至孝事父母
友愛兄弟終身無間言俱人所難能者是以子若孫游泮食
餼代不乏人非徒口碑載道見信於傳說已也

監生黎清階爲人忠厚善與性成凡谿邑公事無不樂捐貲助族雖家常分多潤寡仍如合爨者然至醫術濟世不取謝儀遇貧者並慨給藥料不計錢文宜其擁富厚官高年亦樂善之報

民人袁經藻嘉慶初白蓮倡亂藻負母逃避路遇虎力竭將就斃詎知虎反讓道始得入寨復歸家接兄士槐帶搬取衣物行經半途賊忽至兄病莫能行藻盡棄衣物負之逃當茲離亂之秋孝友仍本乎性生一家人得免於難迄今家小阜子維智維成俱入邑庠謂非天之報施不爽歟

竹谿縣志

卷十善行

二十五

監生甘承健賦性孝友事親曲意承志待弟溫厚慈祥迄弟死孀弟媳盧氏以貞女守志健撫子爲之嗣絕不累以家事又善能輔持節德者

陳時學縣南人排行第六分居後五兄家皆凋零學目擊心慘仍以其所有作六股分之兄與姪均得免凍餒此其孝友無虧爲人所不及其他鄉里善事無不樂爲贊助俱有讚載家乘

甘元慎爲谿邑宿儒動遵禮法至老不衰教學多所成就鄉中人咸欽仰之

李宜廷性嚴正事親極孝嘉慶初帶男著績不受爵賞謂親老不忍離膝下也年近八旬值父母忌辰猶流涕不已同爨三百餘口內外肅睦從無詬諄之聲里有雀角一言立釋好施與受其惠者至今猶嘖嘖稱頌焉

黎政岱好善樂施推解深情鄉人勒石以頌之長子以仁且能排難解紛爲一鄉所依賴可謂賢橋梓矣

李宣祥號善徵賦性醇樸孝親信友周急濟貧行諸善事高年九十有餘子孫昌盛鄉里咸以善人稱之

邑南李德音宿儒也性孝友善排解舍藥施棺修橋補路誠一

方之正人也同居三百口始分依然鼎盛豈其無所自歟

李德儒散孝篤友好義樂施地名百吉埡道途險阻行人苦之公費金數百督工三載始成坦途亦好善之可徵者

賈慎微秉性溫和居心正直嘉慶初賊亂捐修寨堡鄉里以安於邑中公事尤捐貲出力以勦成功所更難者一日攜百金過姻家留宿夜失其金晨起知而不究其爲人大類乎此以故二子賈實同時游泮冥冥之酬報豈其或爽哉

賈石春慷慨正直人有爭訟得一言立解雖家不中貲而樂行善事捐助賓興皆出至誠故至今遐齡衍慶依然康健

